

Nimewo 4.8

D E K R È E G Z E K I T I F

Kontinye Deklarasyon Ijans pou Katastwòf nan tout Eta a akòz mank nan pèsonèl pou swen sante nan Eta New York

KONSIDERE KE, gen mank pèsonèl nan lopital ak nan lòt etablisman swen sante epi yo prevwa sa ap kontinye;

KONSIDERE KE, gwo mank pèsonèl nan lopital yo ak lòt sant swen sante yo ta dwe afekte kapasite pou kontinye bay swen enpòtan ak pou byen sèvi popilasyon vilnerab yo;

KONSIDERE KE, gen yon nesesite imedya ak enpòtan pou konplete kantite pèsonèl la pou asire sant swen sante yo kapab bay swen;

KIDONK, KOUNYE A, mwen menm, Kathy Hochul, Gouvènè Eta New York, konfòmeman ak otorite Konstitisyon Eta New York la ak Seksyon 28 Atik 2-B Lwa Egzekitif la te konfyé mwen, avèk dokiman sa a, pwolonje eta dijans akoz katastwòf jan sa deklare nan Dekrè Egzekitif Nimewo 4 la, jan sa kontinye nan Dekrè Egzekitif 4.7 la, epi kontinye kenbe anvigè tèm, kondisyon, ak sispansyon yo ki nan Dekrè Egzekitif Nimewo 4, 4.1, 4.2, 4.3, 4.4, 4.5, 4.6 ak 4.7 yo jiska 30 me 2022, eksepte:

- Sispansyon ki genyen nan Dekrè Egzekitif Nimewo 4 Sou-divizyon (3) nan seksyon 6902 nan Lwa sou Edikasyon, ak nenpòt règleman ki asosye, ki enkli, men ki pa limite ak Seksyon 64.5 nan Tit 10 NYCRR la, nan limit ki nesesè pou pèmèt yon enfimyè pratikan bay sèvis medikal ki apwopriye ak edikasyon, fòmasyon ak eksperyans li, san yon akò pratik ekri, oswa relasyon kolaborasyon ak yon doktè, san pèn sivil oswa kriminèl p ap anvigè ankò.

F È T anba siyati mwen ak So Prive Eta a nan Vil Albany

nan trantyèm jou mwa avril nan ane de mil

vennde.

SOU LÒD GOUVÈNÈ A

Sekretè Gouvènè a